



Na osnovu člana 69. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine“, broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), Centralna izborna komisija Bosne i Hercegovine je na 44. sjednici održanoj 12.08.2016. godine, donijela

## ODLUKU o poništenju postupka

(1) Poništava se postupak javne nabavke usluga hotelskog smještaja delegacija na Lokalnim izborima 2016. godine u Bosni i Hercegovini izvršen primjenom postupka za dostavu ponuda u skladu sa odredbama člana 8. stav (1) Zakona o javnim nabavkama i Pravilnika o postupku dodjele ugovora o uslugama iz Aneksa II Dio B Zakona o javnim nabavkama („Službeni glasnik BiH“, broj 104/14) prema odredbama člana 69. stav (2) tačka e) s obzirom da cijene ponuda ponuđača „Bosnia Hoteli i Restorani“ d.o.o. Sarajevo i „Mrkulić Company“ d.o.o Sarajevo su znatno veće od osiguranih sredstava za predmetnu nabavku.

(2) Obavještenje o poništavanju iz stava (1) dispozitiva ove odluke objaviti na web stranici Centralne izborne komisije Bosne i Hercegovine.

## Obrazloženje

Postupak javne nabavke usluga hotelskog smještaja delegacija na Lokalnim izborima 2016. godine u Bosni i Hercegovini proveden je u skladu sa odredbama člana 8. stav (1) Zakona o javnim nabavkama i Pravilnika o postupku dodjele ugovora o uslugama iz Aneksa II Dio B Zakona o javnim nabavkama. Poziv za dostavljanje ponuda za nabavku predmetne usluge-tenderska dokumentacija, dostavljen je „Mrkulić Company“, „Bosnia Hoteli i Restorani“, Hotel „Europe“ i Hotel „Mariott“ dana 12.07.2016. godine i objavljen je na web stranici Centralne izborne komisije Bosne i Hercegovine.

Do krajnjeg roka za prijem ponuda koji je naveden u tenderskoj dokumentaciji (20.07.2016. godine u 14:00 sati), na adresu Centralne izborne komisije BiH dostavljene su dvije ponude: ponuđača „Bosnia Hoteli i Restorani“ d.o.o. Sarajevo i „Mrkulić Company“ d.o.o Hotel Hollywood Sarajevo.

Procijenjena vrijednost javne nabavke je u iznosu od 8.500,00 KM bez PDV, odnosno 9.945,00 KM sa PDV.

Komisija za javne nabavke imenovana odlukom broj: 07-2-16-3-712-2/16 od 22.06.2016. godine izvršila je pregled i ocjenu ponuda, o čemu je sačinila Zapisnik broj: 07-2-16-3-712-7/16 od 10.08.2016. godine, o provedenom postupku nabavke usluga hotelskog smještaja delegacija na Lokalnim izborima 2016. godine u Bosni i Hercegovini. Centralna izborna komisija Bosne i Hercegovine je utvrdila da je cijena ponude ponuđača „Bosnia Hoteli i Restorani“ veća za 10.775,00 KM, a cijena ponude i „Mrkulić Company“ d.o.o Hotel Hollywood Sarajevo veća za 1.675,00 KM, u odnosu na procijenjenu vrijednost predmetne nabavke.

Na osnovu naprijed navedenog i činjenici da su obe naprijed navedene cijene ponuda znatno veće od osiguranih sredstava za predmetnu nabavku, što znači da se prema odredbama člana 69. stav (2) tačka e) Zakona o javnim nabavkama obavezno poništava postupak javne nabavke, Centralna izborna komisija BiH je i odlučila kao u dispozitivu ove odluke.

### Pouka o pravnom lijeku

Žalba se izjavljuje Uredu za razmatranje žalbi BiH putem Centralne izborne komisije BiH u pisanoj formi u tri primjerka neposredno ili preporučeno poštanskom pošiljkom u roku od deset (10) dana od dana prijema ove odluke.

Broj: 07-2-16-712-8/16  
Sarajevo, 12.08.2016. godine

Dostavljeno:

1. Privrednim subjektima  
2. a) i web CIK BiH



Zamjenjuje predsjednika  
Dr. Suad Arnautović, član